



**C**onradus ex nobili familia Pappenheimiorū natus, & in omni genere uirtutum optimè educatus fuit. Is cum prima literarum fundamenta percepisset, bellorum studia amplecti cœpit. In ijs adeò profecit, ut magnam militaris scientiæ peritiã nactus fuerit. Id cum Maximilianus rex cognouisset, eum inter consiliarios recepit, & ob multas uirtutes plurimùm dilexit. Cum etiam Franckoforti 1562 Cæsar eligeretur, Conradus interfuit, & res sibi commissas singulari dexteritate expediuit. Hinc factum ut insignem illam familiam, quæ S. Romani Imperij Marescallos hæreditarios procreare, & suis uirtutibus Germaniam subinde exornare so-

let, Conradus plurimùm decorarit, & Imperij proceribus gratissimus extiterit. Vnde ipsius Conradi, atque totius honestissimæ illius Pappenheimiorum familiæ, meritò hoc loco mentio facta est. **A**nonymos.